

Darllenwch ymlaen i ddarganfod pam mae PISA yn bwysig a'r cymorth sydd ar gael i ysgolion. Bydd PISA yn cael ei chynnal ym mis Tachwedd 2022, ar ôl eu gohirio yn 2021. Bydd Pearson, y sefydliad cydgysylltu, yn cysylltu ag ysgolion i gymryd rhan ar ôl hanner tymor mis Chwefror.

Wrth i ni gyflwyno cwricwlwm newydd i Gymru gyda'n gilydd, gan godi safonau mewn ymdrech genedlaethol yr ydym i gyd yn ei rhannu, bydd PISA 2022 yn cymryd sampl o'n system addysg ac yn ein helpu i nodi'r camau nesaf mwyaf priodol ar y cyd.

Fel rhan o'n cylch parhaus o werthuso a gwella yng Nghymru, mae'n rhoi cyfle i ddeall pobl ifanc, mesur eu lles a'u sgiliau, a dysgu o'u profiadau wrth inni ddod allan o'r pandemig.

Bydd yn chwarae rhan bwysig yn ein hymagwedd at adferiad a gwelliant, gan ein helpu i ddeall ein sefyllfa bresennol a darpariaeth ysgolion dros y ddwy flynedd ddiwethaf.

Rydym yn gwerthfawrogi'r pwysau presennol ar ysgolion, staff a dysgwyr, ac felly'n cydnabod bod cymorth i'r rhai sy'n cymryd rhan yn hanfodol i leihau unrhyw lwyth gwaith ychwanegol ar ysgolion.

Bydd y consortia yn darparu cymorth i bob ysgol sy'n cymryd rhan. Ategir eu cymorth gan ganllawiau gan arweinwyr systemau profiadol, a fydd ar gael i helpu'r ysgolion sy'n cymryd rhan i baratoi ar gyfer y cylch PISA hwn.

Beth fydd gofyn i ysgolion a samplwyd ei wneud?

- Cynhelir yr asesiad ar ddyddiad a ddarperir gan y darparwr cenedlaethol, Pearson ym mis Tachwedd 2022, a fydd yn para tua hanner diwrnod.
- Bydd yn cynnwys dau asesiad awr o hyd a holiadur 45 munud i ddisgyblion. Y prif faes yw llythrennedd mathemategol. Bydd dysgwyr hefyd yn rhoi cynnig ar gwestiynau ar lythrennedd gwyddonol a darllen. Fodd bynnag, mae PISA yn cynhyrchu set ehangach o wybodaeth na'r wybodaeth gwbl academiaidd: bydd yr holiadur yn cynnwys cwestiynau ar les a phrofiadau dysgwyr, gyda rhywfaint o gyfeiriad at y pandemig.
- Mae holiadur hefyd i'w gwblhau gan y pennaeth gyda ffocws ar arweinyddiaeth ysgol, hinsawdd yr ysgol ac adnoddau.
- Bydd arweinydd enwebedig yn yr ysgol hefyd yn gweithio gyda Pearson, gyda chefnogaeth Arweinydd Systemau i baratoi logisteg ar gyfer y diwrnod, gan gynnwys cadarnhau cywirdeb sampl y disgybl a gwirio offer TG.

Mae rhagor o wybodaeth am Pisa ar gael yn <https://www.oecd.org/pisa/>.